

**SOALAN NO: 15**

**PEMBERITAHUAN PERTANYAAN BAGI JAWAPAN LISAN**  
**MESYUARAT PERTAMA PENGGAL KEENAM,**  
**PARLIMEN KETIGA BELAS,**  
**MAJLIS MESYUARAT DEWAN RAKYAT**

**PERTANYAAN: LISAN**

**DARIPADA: YB DATUK JUMAT BIN IDRIS**

**TARIKH: 12 MAC 2018**

**SOALAN:**

**Datuk Jumat Bin Idris [ Sepanggar ] minta **MENTERI SUMBER MANUSIA** menyatakan:**

- (a) berapakah bilangan belia yang menganggur di negeri Sabah dan berapakah di antara mereka ini adalah graduan institusi pengajian tinggi; dan
- (b) apakah perancangan Kerajaan untuk menyelesaikan masalah ini.

**PR-1361-L04215**

**JAWAPAN**

Tuan Yang Di Pertua,

1. Menurut Laporan *Statistik Labour Market Database (LMD)* sehingga Februari 2018 seramai 13,965 belia menganggur di negeri Sabah yang berdaftar di dalam *Portal JobsMalaysia*. Berikut adalah pecahan graduan Institut Pengajian Tinggi yang berdaftar dan tidak bekerja dalam *Portal JobsMalaysia* sehingga Februari 2018 iaitu seramai 7,552 orang seperti Jadual di bawah.

Tahap Akademik	Tidak Bekerja
Ijazah Kedoktoran	7
Ijazah Pertama	4,785
Ijazah Sarjana	210
Matrikulasi	1
Diploma	2,549
<b>JUMLAH</b>	<b>7,552</b>

Sumber : LMD, Kementerian Sumber Manusia

Tuan Yang Di Pertua,

2. Di antara perancangan spesifik yang diambil oleh Kerajaan dalam menangani pengangguran di Sabah adalah:

**(a) Meningkatkan Promosi Penggunaan Portal *JobsMalaysia***

Mempromosikan Portal *JobsMalaysia* dengan menggalakkan pendaftaran di dalam sistem sebagai pencari kerja. Usaha dijalankan bermula dari pelajar sekolah menengah yang akan tamat tempoh persekolahan mereka dan juga pelajar IPTA/IPTS tahun akhir. Portal *JobsMalaysia* merupakan hub maklumat pekerjaan yang membantu pelbagai golongan pencari kerja;

**(b) Penganjuran Program Karnival Pekerjaan**

Program Karnival Pekerjaan merupakan program dijalankan oleh Jabatan Tenaga Kerja Sabah iaitu membawa majikan-majikan yang berpotensi untuk menawarkan peluang-peluang pekerjaan di pelbagai sektor seluruh Negeri Sabah termasuk ke Semenanjung Malaysia. Usaha ini dijalankan berterusan dan diadakan di setiap daerah di Negeri Sabah. Pada tahun 2017, Jabatan Tenaga Kerja Sabah telah berjaya menempatkan seramai 17,311 pencari kerja dalam pelbagai jenis pekerjaan di Sabah melalui 28 program yang diadakan.

**(c) Program Penempatan melalui Kembara Kerjaya**

Program Kembara Kerjaya merupakan program kembara yang membawa majikan, penyedia latihan dan agensi-agensi Kerajaan persekutuan dan negeri secara mobiliti berkenderaan ke tempat-tempat sasaran menjalankan program penempatan pekerjaan. Seramai 5,413 pencari kerja telah berjaya

ditempatkan di 10 lokasi terpilih sepanjang seminggu program Kembara Kerjaya diadakan.

(d) **Khidmat Ceramah Kerjaya dan Pameran Kerjaya**

Kerjasama bersama pihak sekolah/ IPT /Kolej Swasta diadakan bagi mengadakan ceramah dan pameran kerjaya. Jabatan Tenaga Kerja juga turut membawa bersama majikan-majikan yang memerlukan tenaga kerja. Pada tahun 2017 sebanyak 190 ceramah kerjaya diadakan dan 182 pameran kerjaya telah dijalankan di seluruh Sabah. Hasil daripada program Ceramah Kerjaya dan Pameran Kerjaya tersebut para pelajar dapat mengetahui peluang-peluang pekerjaan yang diperlukan oleh pasaran buruh semasa dan membuat persiapan ke alam pekerjaan. Bagi pelajar yang ingin melanjutkan pelajaran, mereka boleh mengambil jurusan atau bidang yang mempunyai permintaan tinggi di pasaran buruh semasa dan melalui petunjuk unjuran perjawatan daripada majikan-majikan yang terlibat dalam program yang diikuti.

(e) **Kerjasama pelbagai agensi kerajaan Konsep Strategi Lautan Biru Kebangsaan (NBOS)**

Menyertai Program-program terbuka dengan kerjasama pelbagai agensi kerajaan negeri dan persekutuan melalui pameran dan khidmat bimbingan kerjaya kepada belia-belia pada hari berkenaan. Sebanyak 246 bimbingan kerjaya secara berkelompok telah dijalankan di seluruh Sabah pada tahun 2017 yang mensasarkan golongan pencari kerja daripada

pelbagai latar belakang pendidikan. Hasil bimbingan kerjaya tersebut, ianya telah membantu pencari kerja membuka minda serta memberi galakan dan peluang pekerjaan yang terbuka luas supaya dapat mengubah persepsi bagi pemilihan pekerjaan dan mendapatkan pengalaman pekerjaan dan persediaan ke alam pekerjaan.

(f) **Temuduga Terbuka di Pusat *JobsMalaysia***

Jabatan Tenaga Kerja Sabah turut menjalankan aktiviti temuduga terbuka di seluruh 15 Pejabat Tenaga Kerja termasuk di Pusat *JobsMalaysia* berloksi di UTC Kota Kinabalu. Pada tahun 2017, 178 majikan telah menjalankan temuduga terbuka dan berjaya menempatkan 1,946 pencari kerja.

(g) **Penganjuran *Jobsfair* UTC Kota Kinabalu secara tahunan**

Pada tahun 2017, 2 program *Jobsfair* UTC Kota Kinabalu telah diadakan serentak di seluruh Malaysia. Daripada 2,247 kekosongan jawatan ditawarkan dan seramai 946 pencari kerja pelbagai latar belakang pendidikan telah berjaya diambil bekerja. Keseluruhan program yang dijalankan memberikan peluang luas bukan sahaja bekerja di Sabah malahan di Semenanjung Malaysia yang menawarkan gaji yang lumayan dan peluang pekerjaan yang cerah untuk meningkat ke jawatan lebih tinggi.